

Galeageo Mediolanensi duce, qui Wenceslai partes fovebat^a et ab eo ducatus honore donatus, victus prelio Germaniam redire compulsus est. Ubi merore tabescens, non diu postea morbo correptus ingloriam vitam finivit, cum imperasset annis 12.

Sigismundus, secundus Karoli IV. filius, Wenceslai germanus, rex Hungarie, mortuo Roberto Romanum suscepit imperium^b. Pugnavit in Thúrcos haut feliciter. Ad Iohannem papam XXIII. usque Laudam venit, ut Constantiense concilium congregaret. In Galliam, in Hispaniam, in Angliam pro pace ecclesie iter fecit; tres de summo pontificio contententes^c dignitate privari, et Martinum V. unicum^d Christi vicarium indubitatum assumi curavit. Cum hereticis in Bohemia plura bella infeliciter gessit. Vladislavum Polonie regem restituere fratribus Theudonicis Prusciam compulit, quam armis ademerat. Vitoldo Lituaniae duci coronam misit; sed ille, antequam nuntii ad se venissent, obierat. Marchionatum Brandenburgensem ad se devolutum Friderico burgravio Nûrenbergensi contulit. Argentinenses in episcopum rebellantes gravi pecunie summa^e mulctavit. Delphino Viennensi et duci Burgundie frustra minatus est. Italiam secundo ingressus, cum Mediolanum venisset, Philippum ducem videre non potuit. Cum Luca tenus^f iter faceret, a Florentinis copiis molestias^g passus est. Senis 11 mensibus mansit, liberalitate civium sustentatus. Cum Alfonso rege Aragonum plura in Eugenium IV. temptavit; denique reconciliatus pape, ab eodem Eugenio coronatus in basilica sancti Petri. Et Venetorum egressus est amicus, quamquam intraret Italiam inimicus. Item Franciscum^h Mantue dominum ad marchionatus honorem erexitⁱ. In Basilea prohibuit patres, ne pape insultarent. Recuperavit Bohemie regnum. Et in Snoima Moravie^k opido sacro igne vexatus interiit, cum imperasset annis 27. In Alba Regali apud Hungaros sepultus est.

Albertus secundus, Austrie dux, Sigismundi gener, mira felicitate subito elevatus, infra 6 menses Hungarie et Bohemie regna ac imperium deinde consecutus est. Et fugavit ex Hungaria Thúrcos, Hussitas in Bohemia coercuit^l, Polonos inde abegit. Sed quia felicitate seu celeri-

a) Hs.: 'partes favebat'. b) Hs.: 'mortuo Roberto Romano suscepit imperio'. c) Hs.: 'tribus de summo pontifico contententes'. d) 'unicum' in der Hs. corrigiert aus 'victum'. e) Hs.: 'pecunia summa'. f) Hs.: 'Luca tenas'. g) Hs.: 'a Florentinis copias molestias'. h) Hs.: 'In Franciscum'. i) Hs.: 'honorem trexit'. k) Hs.: 'in Suonna Moravie'. l) Hs.: 'in Bohemia coeruat'.